

# Kontuola

ANTZUOLA / Egubakoitza / 2004eko apirilaren 2a / 196. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02


## Komertzioetan euskaraz egiteko kanpaina jarri du abian Idolaz euskara elkarteak

AINZANE IRIZAR

Egunotan herriko denda eta komertzioetan txarteltxo batzuk banatuko dituzte Idolaz euskara elkarteak. Horrela, kanpaina bat abian jarri nahi dute, komertzioetan ere euskararen erabilera bultzatzeko. Hemen be euskeraz ein zeinke izango da leloa.

Egun batzuk barru, Hemen be euskeraz ein zeinke dioten txarteltxoak ikusi ahal izango ditugu herriko komertzioetan. Idolaz euskara elkarteak abian jarritako ekimena da. Merkataritzan euskararen erabilera bultzatzea da ekimen horren helburua.

Euskararen erabilera, askotan, ohitura kontua izaten da. Horregatik, Idolazekoek nahi dutena da komertzioetan izaten ditugun harremanetan, euskara erabiltzeko ohitura hartzea, bai erosleok, bai merkatariek.



Herriko hainbat denda, taberna eta komertzioetan ikusi ahal izango ditugu Idolaz txarteltxoak.

*Herriko komertzioetan txarteltxo batzuk jarriko dituzte Idolazekoek*

Bestalde, sukaldaritza eta antzerki ikastaroa antolatzen ere badihardute Idolazekoek. Oraindik datarik zehazteke duten arratsukaldaritza ikastaroa laster egingo dute.

Irailean talde berria hasi zela lanean Idolaz. Merkataritzan euskara bultzatzeko antolatzen duten ekimen hau izan da kalera begira egin duten lehendabizikoa; baina badirudi aurrerantzean ere lanean segitzeko gogoarela, eta beste hainbat ekimen ekitaldi eta ikastaro antolatuko dituztela.



### Karmen Irizar zoriondu dute senitartekoez eta lagunek

Domekan, apirilak 4, Karmen Irizarrek urteak beteko ditu. Orain dela aste batzuk Martuteneko espetxetik Valladolideko Villanublako espetxera eraman zuten, eta hantxe beteko ditu urteak. Senitartekoez eta lagunek zoriondu egin nahi izan zuten, honako argazkia aterata./A.I.

### LABUR

#### Haur Liburuaren Eguna ospatuko dute gaur, egubakoitza, Udal Liburutegian

Udal Liburutegiak antolatuta, Haur Liburuaren Eguna ospatuko dute gaur, egubakoitza. Arratsaldean, 18:30ean, Erregearen traje berria ipuina kontatuko die umeei Maite Toledo antzuolarrak. Anderen idazle ezagunaren ipuina da hori. Maite Toledo, berriz, hainbat ipuin eta literatura sariketa irabazi duen antzuolarra dugu.

Bestalde, Herri Ikastetxeko umeez egindako marratzien erakusketa jarri dute liburutegian. Atzo ezker, eguna, dago ikusgai erakusketa hori, eta datozen egunetan ere egongo da marratzien ikusteko aukera. Azkenik, ohar bat: hilaren 7an, eguaztana, itaita egongo da liburutegia; Pazko Astean, baina, zabalik egongo da.

#### Izartu programako proiektuak aurkeztuko dituzte Udaleko arduradunek jendaurrean

Eusko Jaurlaritzaren Izartu programarako aurkeztutako proiektuak jendaurrean aurkeztuko ditu Udalak datorren astelehenean, hilak 5. Olanan etxean izango da hori, 19:00etan. Urtarrilean ere hainbat proiektu aurkeztu zituen Jose Angel Zabalo alkateak, Jose Joan Gonzalez de Txabarri diputatu nagusiarekin batera. Orduetik hona, baina, hainbat aldaketa egin behar izan dituzte proiektu horietan; horixe azalduko dute asteleheneko aurkezpenean. Honako izango dira proiektuak: Uzarragatik Lizarragarako bidea, Ibarre auzoa urbanizatzea, gizarte etxea, alde zaharreko lurzorua eta azpiegiturak eta Sagastiko zelaian parkea egitea.

HIRIGINTZA

# Aste Santurako Buztinzuri kalea zabaltzea espero dute, eta noranzko bakarria izango du

A.I.

Eguraldiagatik, batez ere, lanak atzeratu egin diren arren, Aste Santurako Buztinzuri kalea zabalik egongo dela espero dute Udaleko arduradunek. Aurrerantzean, noranzko bakarrekoa izango da kale hori; oraingoz, goitik beherako noranzkoa izango du.

Herriko plazatik eskola pareraino bi noranzkoetan ibili ahal izango gara automobilean. Handik aurrera, baina, noranzko bakarrekoa izango da aurrerantzean Buztinzuri kalea. Oraingoz, goitik behera bakarrik pasatu ahal izango gara. Gero, baina, behetik gorako noranzkoa bakarrik izango du.

**TALLERES ANTZUOLA BERRITUKO DUTE**

Talleres Antzuola zegoen eraikina eta aldamenekoa eraberritu egin behar dituzte. Horretarako, aldazio handiak jarri beharko dituzte eta horrek trabak sortu



Buztinzuri kalean zoru berria jarri dute, galtzada-harriz.

dizkio zirkulazioari. Horregatik, lan horiek amaitu bitartean, goitik beherako noranzkoa bakarrik izango du Buztinzurik. Ondoren, baina, behetik gorako izango da kale horren noranzkoa.

Ondarrera, berriz, plazatik sartu beharko dugu, baita irten ere. Kalegoitik baldin bagatoz, ezin izango gara sartu Talleres Antzuola albotik. Ibarrondora bakarrik sartu ahal izango da handik.

**SAGASTI ETA KALEGOIKO LOTUNEA**

Sagasti auzoa eta Kalegoi lotuko dituen errepidea ere laster zabalduko dute. Txorikua etxea eraitsi zuten horretarako, eta datarik zehazteke dagoen arren, Udaleko arduradunek adierazi digute berandu baino lehen zabalduko dutela bide berri hori.

Horrela, alde zaharra noranzko bakarrekoa izango den arren, zirkulazioak beste alternatiba bat izango du: Sagasti auzoko errepidea erabiltzea, hain zuzen ere.

LABUR

## Administrari laguntzaile bat hartuko du Udalak

Hirigintza Saileko administrari laguntzaile lanposturako deialdia egin zuen Udalak. Lehendabiziko azterketa martxoaren 24an egin zuten, eta 34 lagun aurkeztu ziren. Datoren eguaztenean, hilak 7, izango dute hurrengo proba, euskara azterketa, hain zuzen ere. Apirilaren 27an egin beharko dute azkeneko azterketa hautagaiek.

## Telleria familiak Udalari eman dio hainbat dokumentu

Telleria familiak larru-ontzearen gainean zuen dokumentazio guztia eman dio Udalari. "Altxor historikoa" da material hori, Udaleko arduradunen esanetan. Aurrerantzean Udaleko artxiboan gordeko dute Telleriatarrek emandako material guztia. Bide batez, Udalak eskerrak eman nahi dizkio familiari.

ERRETIRATUAK

# Erretiratuaren lokalean hainbat konponketa

A.I.

Udalak erabaki du erretiratuek Zurrategi plazan duten lokalean hainbat konponketa lan egitea. Oraindik aurrekontuak mahai gainean dituzten arren, erabaki dute dagoeneko zein konponketa behar dituen lokalak.

Lurzorua konpondu egingo dute eta baldosak jarri; ke-aireztapenerako sistema berria jarriko dute; sukalde txiki bat ere jarriko dute, eta hainbat zarata murrizteko lanak egingo dituzte. Berrikuntza lan horietatik egingo dituzte, besteak beste, Udalak eta erretiratuek halaxe adostuta.

**AUKERA EGIN DUTE ERRETIRATUEK**

Antzuolako Udalak, erretiratuak Zurrategiko lokalean oso ondo ez zeudela ikusita, proposamen bat egin zien orain dela hilabete batzuk: Arin jatetxea hartzea, hain zuzen ere. Erretiratuek, baina, hainbat arrazoi tarteko, ezekoa eman zioten proposamen horri. Nahiago izan zuten oraingo lokalean jarraitzea; baina, hori bai, hainbat konponketa eginda.

Bestalde, behin betiko egoitza izango denari dagokionez, aipatzeak da laster hasiko direla proiektu hori egiten; horretarako, elkarlanean jardungo dute Udalak eta erretiratuek.



Erretiratuaren elkarteko batzordeko kideak, batzarrean.

KIROLA

**PARTIDUAK**

**FUTBOLA**

Aprilak 3

16:30: Antzuola-La Salle (2. erreg.)

Aprilak 4

12:00: Antzuola-Eibartarrak (Kadeteak)

**EMAITZAK**

**FUTBOLA**

Antzuola 2 Union Txiki 3 (2. erreg.)

Axular 0 Antzuola 0 (Gazteak)

Antzuola 4 Zestoa 6 (Kadeteak)

**PILOTA**

Udaberri Saria

Murumendi II-Olalde (Eskuz kad.) 5-22

Murumendi-Olalde (Paletaz) . . . 35-20

**LARREA**  
**TABERNA**  
  
Kalebarren 17  
ANTZUOLA

**ANTZUOLA**  
Apainketak eta  
isolamenduak  
Pladurrezko dibisioak  
  
Kalegoi 21 ANTZUOLA  
676 997 400  
Bildegia: 943 78 70 40

*Tomas Gezalaga*  
  
**Zoruen kutxilatatu  
eta  
bernizatzea**  
  
Kalegoi 21  
Tel.: eta faxa 943 76 64 07  
Poltsikokoa 616 277 999  
ANTZUOLA / BERGARA

**GAILUR**  
taberna eta  
gozotegia  
  
**Buztinzuri 13 ANTZUOLA**  
Tel.: 943 78 70 32

*Tomas Gezalaga*  
  
**Apainketarako eta  
industriarako pinturak**  
**Paper margotuak**  
**Moketak eta tapizatuak**  
  
Kalegoi 21  
Tel.: eta faxa 943 76 64 07  
Poltsikokoa 616 277 999  
ANTZUOLA / BERGARA